

## Nova posmatranja zlatovrane (*Coracias garullus* Linnaeus, 1758) na kraškim poljima Bosne i Hercegovine

New observations of European Roller (*Coracias garullus* Linnaeus, 1758) in Karst Poljes of Bosnia and Herzegovina: European Roller was observed on 23<sup>rd</sup> and 27<sup>th</sup> August 2017 in Glamočko and Marinkovci karst poljes.

Tokom redovnog monitoringa ptica na kraškim poljima u Bosni i Hercegovini posmatrali smo u dva navrata pojedinačne primjerke ove vrste. Prvo posmatranje imali smo na Glamočkom polju dana 23.08.2017. godine. Posmatrana jedinka stajala je na vrhu stabla bijelog bora i osmatrala okolinu. Kada smo pokušali da joj se približimo, odletjela je na obližnji dalekovod gdje se smjestila pored jedne jedinice bjelonokte vjetruške (*Falco naumanni*). Dana 27.08.2017. u 19:15 sati u polju Marinkovci, također na dalekovodu, primijećen je još jedan primjerak zlatovrane. Ista jedinka posmatrana je na istom mjestu i narednog jutra. Ovo su prva posmatranja navedene vrste na ovim poljima. Prilikom oba posmatranja načinjene su dokazne fotografije. U posljednjih sto godina zlatovrana je u Bosni i Hercegovini posmatrana isključivo na kraškim poljima. Učestala posmatranja na migraciji ukazuju na značaj Jadranskog migratornog puta i za ovu, u našim krajevima, rijetku vrstu.



**Slika 1.** Zlatovrana, 23.08.2017. na Glamočkom polju (Foto: Goran Topić)

**Figure 1.** European Roller, 23.08.2017. at Glamočko polje (Photo: Goran Topić)

Biljana Topić i Goran Topić

Ornitološko društvo "Naše ptice"  
Semira Frašte 6, 71000 Sarajevo  
naseptice@hotmail.com